



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CXXIV. Confirmat Decretum Sacræ Congregationis Episcoporum, ac
Visitationis Apostolicæ pro dotandis octo Puellis de Parochia Sancti
Andreæ de Fractis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

scripsi, & publicavi, meoque solito signo signavi requisitus. Cum autem sicut eadem expositio sub-
jungebat, firmiora, & stabiliora sint illa quæ Apo-
stolicæ confirmationis robore communiuntur. No-
bis propterea dicti Exponentes, humiliter supplica-
ri fecerunt, utinam præmissis opportunè providere,
& ut infra indulgere de benignitate Apostolica
dignaremur.

§. 9. Nos igitur dictos Exponentes speciali-
bus favoribus, & gratis prosequi volentes, & eor-
um singulares personas à quibusvis excommuni-
cationis, suspensionis, & interdictionis, aliisque Ecce-
siasticis sententiis, censuris, & pœnis à jure, vel
ab homine quavis occasione, vel causa latis, si
quibus quomodolibet innodata existunt, ad effec-
tum præsentium dumtaxat consequen. harum se-
rie absolventes, & absolutas fore censentes, nec-
non litterarum memorati Gregorii Prædecessoris
super reservatione, Constitutione, & assignatione
Pensionis, ac unione, annexione, & incorpora-
tione Monasterii hujusmodi respectivè emanata-
rum tenores, & datas, aliaque etiam speciali, &
individua mentione, & expressione digna præsen-
tibus pro plenè, & sufficienter expressis, & in-
sertis habent. hujusmodi supplicationibus inclinati
supra dictum memoratorum Francisci, ac Julii, &
Benedicti Cardinalium Decretum, confectum-
que in illius executionem Instrumentum præinse-
rtum, cum omnibus, & singulis in illis respectivè
contentis, auctoritate Apostolica tenore præsen-
tium perpetuò confirmamus, & approbamus, il-
lisque inviolabilis Apostolicæ firmitatis robur ad-
jicimus, ac omnes, & singulos juris, & facti, nec-
non solemnitatum quarumcumque in similibus
etiam de necessitate observandarum, aliisque quos-
libet etiam formales, & substantiales, ac unde-
cumque resultantis defectus, si qui in præmissis
vel eorum aliquo quomodolibet intervenerint, aut
intervenisse dici, censeri, vel prætendi possent,
supplemus, & sanamus, ac penitus, & omninò tol-
limus, & abolemus.

Pontifex
confirmat
supradictum
decretum,
una cum
instrumento
& transac-
tione desu-
per celebra-
ta inter par-
tes.

Qualcum-
que lites, &
controversias
supprimat
& particu-
larum silen-
tium impo-
nit.

Decretum
irritans.

Clausula de-
rogatoria.

§. 10. Præterea lites, & controversias quas-
cumque super præmissis inter prædicta Collegia
Germanicum, & Hungaricum, ac Neophytorum
quovis modo extortas (illarum statum, & merita,
nominaque, & cognomina, ac qualitates Judi-
cium, & colligantium, & alia etiam specificam,
& individuum mentionem, & expressionem requi-
rentia præsentibus itidem pro plenè, & sufficienter
expressis habentes) à quibusvis Judicibus &
Tribunalibus ad Nos harum serie avocamus, illis-
que etiam perpetuò supprimimus, & extinguimus,
ac perpetuum desuper utrique parti silentium im-
ponimus.

§. 11. Decernentes easdem præsentibus, ac præ-
inse-rtas litteras semper firmas, validas, & efficaces
existere, & fore, suosque plenarios, & integros
effectus sortiri, & obtinere, ac illis ad quos spe-
ctat, & pro tempore quomodocumque spectabit
plenissime suffragari, & ab illis respectivè inviola-
biliter observari. Sicque in præmissis per quoscum-
que Judices Ordinarios, & Delegatos etiam Cau-
sarum Palatii Apostolici Auditores, ac Sanctæ
Romanæ Ecclesiæ Cardinales judicari, & diffiniri
debere, ac irritum, & inane si secus super his à
quoquam quavis auctoritate scienter, vel ignoran-
ter, contigerit attentari.

§. 12. Non obstantibus quacumque lites penden-
tia, aliisque præmissis, ac quatenus opus sit,
rec. mem. Pauli II. & aliorum Romanorum Ponti-
ficum Prædecessorum nostrorum de rebus Ecce-
siæ non alienandis, & aliis Constitutionibus, & Or-
dinationibus Apostolicis, necnon dictorum Colle-
giorum, & aliis quibusvis etiam juramento, confir-
matione Apostolica, vel quavis firmitate alia robo-
ratis Statutis, & Consuetudinibus, privilegiis quo-
que, indultis, & litteris Apostolicis, eisdem Colle-
giis, eorumque Rectoribus, & Ministris, ac per-
sonis quibuslibet, sub quibusvis verborum tenori-

bus, & formis, ac cum quibuscumque etiam de-
rogatarum derogatoriis, aliisque efficacioribus,
efficacissimis, & insolitis clausulis, irritantibusque,
& aliis Decretis in genere, vel in specie, ac aliis
in contrarium quomodolibet concessis, approbatis
& innovatis. Quibus omnibus & singulis etiam si
pro illorum sufficienti eorum derogatione de illis,
eorumque totis tenoribus specialis, specifica, ex-
pressa, & individua, ac de verbo ad verbum, non
autem per clausulas generales idem importantes
mentio, seu quavis alia expressio habenda, aut
aliqua alia exquisita forma ad hoc servanda foret,
tenore hujusmodi, ac si de verbo ad verbum, ni-
hil penitus omisso, & forma in illis tradita observa-
ta exprimerentur, & infererentur, præsentibus
pro plenè, & sufficienter expressis habentes, illis
aliis in suo robore permansuris, ad præmissorum
effectum, hac vice dumtaxat specialiter, & expref-
sè derogamus, cæterisque contrariis quibuscum-
que.

Datum Romæ apud S. Mariam Majorem sub
Annulo Piscatoris, die 23. Maii 1662. Pontifica-
tus nostri Anno octavo.

D. P. An. 8.
die 23. Maii.

Confirmat Decretum Sacræ Congregationis Epi-
scoporum, ac Visitationis Apostolicæ pro con-
tandis octo Puellis de Parochia Sancti Andree
de Fractis.

CXXIV.

ALEXANDER PAPA VII.

Edita A. D.
1662.

Ad futuram rei memoriam.

Recentet
Decretum.

Manavit nuper à Congregatione Venerabili-
um Fratrum Nostrorum S. R. E. Cardina-
lium & dilectorum filiorum Romanæ Curie Præ-
latorum super negotiis Visitationis Apostolicæ
Ecclesiarum, & locorum Piorum Urbis No-
stræ à Nobis institutæ Deputatorum Decretum,
tenoris qui sequitur, videlicet: Præ via commissio-
ne Sanctissimi aliis emanavit à Sacra Congrega-
tione Visitationis Apostolicæ Decretum infra scri-
pti tenoris videlicet.

§. 1. Cum in causa Romana electionis octo
Puellarum Pauperum inter Marchionem Paulum
Nepotem, & hæredem Marchionis Octavii de Bu-
balis, & Custodes Societatis Sanctissimi Sacramen-
ti in Ecclesia S. Andree de Fractis, R. P. D. Pi-
nellus Judex Delegatus à bo. me. Card. Montal-
to ipsius Societatis Protectore Anno 1620. diffi-
nitivè sententiaverit dicto Marchioni Paulo licuisse,
& ac licere dictas octo Puellas ad subsidium do-
tale à dicto Marchione Octavio in suo Testamen-
to relictum eligere, ac nominare ex iis, quæ sibi
videbuntur, & ex quibusvis Urbis Regionibus
fuerint indistinctè, & nulla habita ratione loci, &
Parochiæ ubi dictæ Puellæ degant, & habitent:
cumque sententiâ hujusmodi lata fuerit inauditis
& indefensis puellis Parochiæ prædictæ Ecclesiæ
S. Andree, ac Regionis Columnæ quæ præten-
dunt has octo Puellas vigore memorati Testamen-
ti primò eligi debere ex illis, quæ pro tempore
erunt sub dicta Parochia, et si in ea non sint in nu-
mero sufficienti eligi debere ex Puellis Regionis
Columnæ: Sacra Congregatio Visitationis Apo-
stolicæ, ne Jura Pauperum Puellarum depereant
ex carentia legitimi Defensoris, censuit dandum
esse ex officio Curatorem prædictis Puellis Paro-
chiæ S. Andree, & Regionis Columnæ, prout
dari mandavit ad hoc ut ipso Curatore illarum de-
fensionem subeunte hujusmodi causa cognosci, &
pro justitia terminari possit. Dat. die 12. Januarii
1662.

§. 2. Quam Congregationis sententiam die
decima octava ejusdem Sanctissimi. D.N. ad se rela-
tam approbavit, iussitque prædictam causam sim-
pliciter, & de plano, ac sine strepitu, & figura ju-
dicii tam in petitorio, quam in possessorio ex in-
tegro cognosci, ac sine debito terminari in eadem

Congregatione Visitationis Apostolicæ, cui ad effectum præmissum Sanctitas Sua tribuit facultates omnes necessarias, & opportunas, & quatenus opus sit supradictas Puellas aduersus quæcumque præjudicialia restituit.

§. 3. Subinde in executionem præinserti Decreti Curatore Puellis deputato, & servatis aliis servandis eadem Sacra Congregatio Eminentiſſimorum, ac Reverendiſſimorum S. R. E. Cardinalium, ac Dominorum Prælatorum Visitationis Apostolicæ, partium Procuratoribus, & Advocatis sæpius auditis, scripturisque; ac Juribus utriusque exhibitis maturè perpensis, causaque accuratè discussa proponente Eminentiſſ. & Reverendiſſ. D. Card. Imperiali, ex unanimi Patrum sententia censuit tam octo pauperes Puellas à prænominato Marchione Paulo eligendas, quàm alias eligendas à prædictis Custodibus, & Parocho dictæ Ecclesiæ S. Andreae primùm eligi debere ex illis, quæ pro tempore erunt sub dicta Parochia S. Andreae, & quæ in ea continuè habitaverint saltem spatio duorum annorum, etſi non sint in dicta Parochia in numero sufficienti eligi debere ex Puellis Religionis Columnæ, quod si nec sint in dicta Regione, tunc demum eligi posse, ac debere ex aliis Regionibus, prout videbitur prædicto Marchioni Paulo, & omnibus Successoribus in hæreditate Marchionis Octavii Testatoris, & respectivè Custodibus, & Parocho supradictis, sententiamque desuper latam, & assertas renunciationem litis, & rem judicatam minimè afficere memoratas Puellas Parochiæ S. Andreae, ac Regionis Columnæ, nec eis aliquo modo officere. Et ita Sacra Congregatio declaravit, & pronunciavit non tantùm prædicto, sed & omni alio meliori modo, sicque ab Eminentiſſimo, & Reverendiſſimo Domino Cardinali pro tempore Protectore Societatis prædictæ, ejusque Judice deputato, atque ab omnibus ad quos pertinet, & in posterum pertinebit, omninò servari præcepit in contrarium deductis, & allegatis nequaquam refragantibus. Datum die 20. Aprilis 1662. P. Fagnanus Secretarius.

Confirmat
prout in
Rub.

§. 4. Cùm autem firmiora, & stabiliora sint illa, quæ Apostolici muniminis fulciuntur præsidio; Idcirco Nos firmiori dicti Decreti robori efficaciam, & observationi consulere cupientes, Motu proprio, ac ex certa scientia, & matura deliberatione nostris deque Apostolicæ potestatis plenitudine Decretum præinsertum, ac omnia, & singula in ea contenta tenore præsentium confirmamus, & approbamus, illisque inviolabilis Apostolicæ firmitatis robor adjicimus, ac omnes, & singulos Juris, & facti defectus, si qui desuper quomodolibet interverint, supplemus.

Decretum
irritans.

§. 5. Decernentes easdem præsentis litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissimè suffragari, & ab illis respectivè inviolabiliter observari, nec de subreptionis, vel obreptionis, aut nullitatis vitio aut intentionis nostræ, vel interesse habentium consensus, aliove quomodolibet defectu notari, infringi, retractari, in controversiam revocari, aut ad terminos juris reduci, seu aduersus illas aperiitionis oris restitutionis in integrum, aliudvè quodcumque juris, facti, vel gratiæ remedium intentari, vel impetrari, seu impetrato, vel etiam motu, scientia, & potestatis plenitudine paribus concessio quempiam in iudicio, vel extra illud uti, seu se iuvare ullatenus unquam posse, sicque & non aliter per quoscumque Judices Ordinarios, & Delegatos etiam causarum Palatii Apostolici Auditores, ac prædictæ Societatis Protectorem, & alios Sanctæ Romanæ Ecclesiæ Cardinales cæterosque quoslibet quæcumque auctoritate, & potestate fungentes, & functuros, sublata eis, & eorum cuiuslibet quavis aliter iudicandi, & interpretandi facultate, & auctoritate iudicari, & definiri debere, ac

irritum & inane, si secus super his à quoquam quavis auctoritate scienter, vel ignoranter contigerit attentari. Non obstant. omnibus, & singulis præmissis, Constitutionibus, & ordinationibus Apostolicis cæterisque contrariis quibuscumque.

Datum Romæ apud S. Mariam Majorem sub Annulo Piscatoris, die 3. Junii 1662. Pontificatus Nostri Anno octavo.

Dat. P. An. 8.
die 3. Junii.

Quod Joannes Paulus Oliva Vicarius Generalis Societ. JESU possit relinquere, & alienare Collegia, & Domos ipsius Societatis, juxtà facultatem sibi traditam à Congregatione Generali.

CXXV.

ALEXANDER PAPA VII.

Edita An. D.
1662.

Ad perpetuam rei memoriam.

EXponi Nobis nuper fecit dilectus filius Joannes Paulus Oliva Vicarius Generalis Societatis JESU, quod vigore Constitutionum dictæ Societatis auctoritate Apostolica confirmatarum eidem Societati competit facultas relinquendi, & alienandi Collegia, & domos ipsius Societatis, quam facultatem Congregatio Generalis dictæ Societatis novissimè habita ipsi Joanni Paulo, Vicario Generali concessit, quodque Præpositi Generales qui pro tempore fuerunt dictæ Societatis iis casibus quibus sperabatur suspensionem sufficere posse, Collegia suspendere soliti fuerunt, donec reditus illorum ita aucti essent, ut tuendis, seu manutendis ipsis Collegiis sufficerent.

Motiva.

§. 1. Cùm autem sicut eadem expositio subjungebat, prædictus Joannes Paulus Vicarius Generalis, ut penuria, in qua Collegium Tropien. ejusdem Societatis reperiebatur, consuleret, idem Collegium suspendere quo usque exsoluto ære alieno, quo ohstringitur, ad statum primævæ foundationis reductum fuerit; Venerabilis vero Frater Episcopus Tropien. suspensionem hujusmodi per sequestra bonorum dicti Collegii impedire prætenderit: Nobis propterea dictus Joannes Paulus Vicarius Generalis, humiliter supplicari fecit, ut sibi in præmissis opportunè providere, & ut infra indulgere de benignitate Apostolica dignemur.

§. 2. Nos igitur ipsum Joannem Paulum Vicarium Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes hujusmodi supplicationibus inclinati, concessionem facultatis relinquendi, & alienandi Collegia, & Domos dictæ Societatis memorato Joanni Paulo Vicario Generali ab ultima Congregatione generali prædicta factam, ut præfertur, auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robor adjicimus, ac omnes, & singulos juris, & facti defectus, si qui desuper quomodolibet interverint, supplemus. Præterea prædictum Collegium Tropien. juxtà illius suspensionem ab eodem Joanne Paulo Vicario Generali sicut præmittitur factam suspensionem remanere debere; ipsi verò Joanni Paulo Vicario Generali in futurum alia quoque Collegia dictæ Societatis in quacumque Mundi parte existentia quando, ac iis modo, & forma, quibus ei necesse fore videbitur, suspendere licere, auctoritate, & tenore præsentis declaramus.

Confirmat
prout.

§. 3. Decernentes easdem præsentis litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac dicto Joanni Paulo Vicario Generali

Decretum
irritans.

plenissimè